

AN GWITHYAS DAROMRES

Gwithyas: Gav dhymm, mestres, os ta perghenn an karr ma?

Benyn: Ov. Prag y hwovynnydh?

Gwithyas: A wodhes ta dha garr dhe vos parkys war linennow melyn dewblek?

Benyn: Gonn. My a gar an linennow ma. drefenn bos melyn ow liw vy an moyha kerys.

Gwithyas: A ny wodhes ta bos difennys orthis a barkya war linennow melyn dewblek?

Benyn: A, gonn, yn surredi, pubonan a woer henna, mes nyns esa spas lowr dhe'm karr war an linenn velyn unnik.

Gwithyas: Difennys yw orthis a barkya war an linenn velyn unnik ynwedh. Res yw dhymm ri dhis tokyn parkyans.

Benyn: Ogh, na ro dhymm tokyn parkyans, my a'th pys!

Gwithyas: Ro dhymm hwegh reson da prag na dallo dhymm ri dhiso tokyn parkyans.

Keskowsow gans Jowan Parker, dyllys gans Kowethas an Yeth Kernewek. Kost £2.10

Lavarow dhe-les

Mar goth avel an menydhyyow
As old as the hills

Mar ger avel saffron
As dear as saffron

Mar wynn avel ergh
As white as snow

Kedhlow

Gonis: Eglos Crowan, dhe 3 eur, an 30ves a vis
Meurth

Gonis: Eglos an Bluw Pencoyls dhe 3 eur an 25ans
a vis Me

Dyllans nowydh: Orvil an Morvil: Lies Liw £4.00
Dyllys gans Kowethas an Yeth Kernewek

Kernow

Ynter 2 400 ha 600 blydhen Kyns Krist an dus a dhiskudhas brons hag i a dhallathas dre-hevel an kylghyyow a ven ha'n menhiryon. An yeth keltiek a dheuth dhe Gernow yntra 600 blydhen Kyns Krist ha 50 blydhen Wosa Krist. I a driga yn kastelli ha'n dinas war benn an breow. Nyns esa meur a genwerth gans an Romanes, mes a-wosa, y'n vlydhen 577 an Sowson a fethys an Geltyon a'n vatel a Deorham Down (ogas dhe Vristol) ha'n Geltyon yn Howlsedhes a veu diberthys a-dhiworth an Geltyon a Gembra.

Govynn orth nebonan .Prag yth esesta ow hwertthin?

mis Meurth mis Ebrel mis Me



1 Unn jydh yma Jori ow kerdhes y'n pow. Hag ev ow tremena park tiek Tregemper, ev a wel argemmynn bras war wydhenn. Yma fer ow tos dhe'n dre, ow talleth dhe dhiw eur dy' Sadorn.



2 Ytho dohajydh dy' Sadorn yma Jori ha'y goweth Hykka ow tos dhe bark an fer. Teg yw an gewer hag yma bush bras a dus ena ha lies tyllda bras.



3 Yn kynsa yma an dhew goweth ow mos dhe'n stalla know-koko. Wosa tylli an den orth an stalla yma Jori ow tewlel pel orth an know.



4 Wosa henna an dhew goweth a dhe'n res-a-dro. Otta Jori ha Hykka war aga mergh prenn ow mos yn tro pur uskis. Pur lowen yns i.



5 Wosa lies tro y'n fer nys eus arghans dhe Jori. "Eus arghans dhis, Hykka?" yn-medh ev. "Soweth, nag eus, " yn-medh Hykka.



6 Ytho, ha'n fer hwath ow pesya, yma an dhew goweth ow mos arta dhe dre. Nys yns i mar lowen lemmyn.

ow kerdhes	walking	bush bras a dus	large crowd of people
ev a wel	he sees	wosa tylli	after paying
ow tos	coming	ow tewlel	throwing
ow talleth	beginning	ow pesya	continuing

A-dhiworth An Gannas, skrifys gans Graham Sandercock, delinyansow gans Les Pierce

Ow gorthyp yw .Yth esen vy ow hwertthin drefenn ow bos lowen.

Dyw genes Dyw genowgh